



Broj:02-04-2153/23-AP-3
Datum: 17.10.2023. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 39. stav 3. Zakona o predškolskom odgoju i obrazovanju ZDK („Službene novine Zeničko-dobojskog kantona“, broj: 7/2010), člana 4. Odluke o standardima i kriterijima za imenovanje na upražnjene pozicije u reguliranim tijelima Općine Zavidovići („Službeni glasnik Općine Zavidovići“, broj: 6/2014, 1/2015 i 3/17), člana 2. Odluke o utvrđivanju upražnjenih pozicija predsjednika i članova u Upravnom odboru Javne ustanove „Gradski dječiji vrtić“ Zavidovići, broj: 02-04-1429/23 od 08.06.2023.godine i člana 12 Privremene Statutarne Odluke Grada Zavidovići („Službeni glasnik Općine Zavidovići“, 4/22), Grad Zavidovići, na prijedlog Komisije za izbor i imenovanje predsjednika i članova u Upravnom odboru Javne ustanove „Gradski dječiji vrtić“ Zavidovići, objavljuje :

JAVNI OGLAS

za izbor i imenovanje predsjednika i članova Upravnog odbora u Javnoj ustanovi
„Gradski dječiji vrtić“ Zavidovići

Objavljuje se javni oglas za izbor i imenovanje predsjednika i 2 (dva) člana Upravnog odbora Javne ustanova „Gradski dječiji vrtić“ Zavidovići i to:

- predsjednik Upravnog odbora- 1 pozicija iz reda osnivača,
- član Upravnog odbora- 1 pozicija iz reda stručnih radnika Vrtića i
- član Upravnog odbora- 1 pozicija iz reda korisnika usluga-predstavnik Vijeća roditelja.

A) Kandidati trebaju ispunjavati sljedeće opće uslove:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere (bilo na nivou države ili entiteta), u periodu od 3 godine prije dana objavljivanja upražnjene pozicije,
- da nije pod optužnicom Međunarodnog suda za ratne zločine u bivšoj Jugoslaviji (član IX.1.Ustava Bosne i Hercegovine),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH («Službene novine Federacije BiH» broj: 12/03, 34/03 i 65/13),
- da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u FBiH («Službene novine FBiH», broj: 70/08),
- da nema privatni finansijski interes u instituciji u koju se kandiduje,
- da nije osuđen za krivično djelo i privredni prijestup nespojiv s dužnošću u upravnom odboru ustanove, pet godina od dana pravosnažnosti presude,
- da nije stariji od 70 godina na dan imenovanja.

B) Pored općih uslova, kandidati trebaju ispunjavati sljedeće posebne uslove:

- VSS (VII/1) ekonomskog, pravnog, tehničkog ili društvenog smjera za predsjednika upravnog odbora; za člana iz reda korisnika usluga može VŠS (VI/1) ili SSS (IV/I), a za člana iz reda zaposlenih može VŠS (VI/1) ili SSS (IV/1) samo izuzetno, ako ne bude prijavljenih kandidata sa visokom stručnom spremom.
- 3 godina radnog iskustva u struci,
- da uživa ugled u lokalnoj zajednici,
- da nije član niti jednog upravnog ili nadzornog odbora, odnosno odbora za reviziju u više od jednog privrednog društva,

- sposobnost za savjesno, odgovorno i odlučno obavljanje upražnjene pozicije,
- sposobnost nepristrasnog donošenja odluka,
- komunikacijske i organizacijske sposobnosti,
- sposobnost tumačenja ekonomskih, tehnoloških i pravnih analiza i propisa,
- rezultati rada ostvareni tokom poslovne karijere,
- preporuke ranijih neposrednih rukovodilaca.

Potrebna dokumentacija:

Prijava kandidata treba da sadrži kraću biografiju, adresu i kontakt telefon.

Uz potpisanu prijavu treba dostaviti original ili ovjerenu kopiju sljedećih dokumenata:

- dokaz o stručnoj spremi,
- dokaz o radnom iskustvu,
- izvod iz matične knjige rođenih (trajni izvod iz MKR-ih),
- uvjerenje o državljanstvu (ne starije od 6 mjeseca),
- uvjerenje o nekažnjavanju nadležne policijske uprave (ne starije od tri mjeseca),
- uvjerenje da kandidat nije učinio privredni prijestup nespojiv sa dužnošću u upravnom odboru Ustanove, pet godina od dana pravosnažnosti presude od nadležnog suda (ne starije od 3 mjeseca),
- ovjerenu izjavu kandidata za alineju 3.,4.,5.,6. i 7.,pod A) i alineju 4 pod B).
- podatke o ranijim neposrednim rukovodiocima radi davanja preporuke ili preporuku/e ranijih neposrednih rukovodilaca

Dokaz da kandidat nije osuđivan za krivično djelo, kao i dokaz da kandidat nije učinio privredni prestup nespojiv za dužnošću u Upravnom odboru Ustanove pet godina od dana pravosnažnosti presude, zatražit će se od kandidata koji budu predloženi za konačno imenovanje.

Napomena: Kandidati za poziciju člana Upravnog odbora iz reda korisnika usluga (predstavnik Vijeća roditelja) dužni su uz prijavu na oglas dostaviti i potvrdu JU „Gradski dječiji vrtić“ Zavidovići kojom dokazuju da su članovi Vijeća roditelja.

Mandat za upražnjene pozicije Upravnog odbora traje 4 godine od dana imenovanja.

Članovima Upravnog odbora pripada naknada u skladu sa članom 7. Odluke o standardima i kriterijima za imenovanje na upražnjenje pozicije u reguliranim tijelima Grada Zavidovići („Službeni glasnik Općine Zavidovići“, broj:6/14, 1/15 i 3/17)

Oglas ostaje otvoren 15 dana od dana posljednjeg javnog objavljivanja.

Prijave sa potrebnom dokumentacijom mogu se dostaviti lično na Pisarnicu Gradske uprave Zavidovići (prizemlje zgrade) ili preporučenom poštom, u zatvorenim kovertama sa naznakom «prijava na javni oglas za Upravni odbor JU „Gradski dječiji vrtić“ Zavidovići-ne otvaraj”, na sljedeću adresu – Gradska uprava Zavidovići, ulica „Safvet bega Bašagića“ broj 9., Komisija za izbor na upražnjene pozicije predsjednika i članova u Upravnom odboru JU „Gradski dječiji vrtić“ Zavidovići.

Neblagovremene i nepotpune prijave neće se razmatrati.

GRADONAČELNIK

doc. dr. Hašim Mujanović